

琴

隱

園

詩

集

琴隱園詩集卷十九

武進 湯貽汾 雨生

之江集

王辰

年五十五湖州杭州旋里

于役吳興同二樵銅士瘦山夜飲榆樓樓上分得劍  
字

茗上多詩人納交我甯濫二樵獨新識尤喜才華瞻榆樓  
招我舟來繫門前纜三人已先在共飲傾瓶甌不愁肉攢  
烏且博杯易劍古墨欣摩挲異書商點勘情親禮法疏話  
久童僕厭鄰雞四五動月落推窗暗好盡逢時歡休貽別  
後憾遙思鳳池客難免鱸堂念風塵豈甘逐簪紱宜心淡

結鄰當日聞筵遞何時驗此來非所料此醉亦其暫能謀

七尺竿早息千斤擔長伴白鷗閒同將玉湖占端木鶴田與榆樓有

結鄰之約今移家京師

花朝雨中汪仲華延禧招同榆樓二樵銅士月鄰集

九梅軒分得澗字

半月孤篷樓重衾寒齒關殷聲滿城響久晦無昏晝速客

來長鬚緘書出短袖今朝有賢主置酒為花壽梅花苦相

憶相見顏非舊昔時花下筵為我陽關奏子向從吳興代歸常山鶴田與

邦人十饒于此裙屐何翩翹詩篇俱錦繡彈指四五年東

西漸驅走老梅經劫枯九梅別後枯其二病鶴眠霜瘦勞人更何

堪頑健邀天祐良辰興新發嘉會緣奇湊俯仰襟懷開從

容杯竚覆此邦本樂土佳士多華胄儉歲遭飢寒窮簷愁  
盜寇觴詠亦久虛簞瓢各安陋偶茲松石間壇坫同馳驟  
百年幾離合六客悲前後是會六人諸公盛文章壯志輕宇宙  
抵掌驚高談分箋推傑構鴻泥他日尋萍聚何方復吾將  
蹈海去誰肯攜琴就予量移樂清西湖桃李濃一棹期重覲好  
辦酒腸寬同聽鶯語澗

觀王徵君硯農所藏岳忠武王姓名玉印君有記乾隆間有賈

客得之湘江漁父後歸同里衛氏再歸之君

節度印存王祠此玉印無瑕疵七百年誰護持王大節婦  
孺知王翰墨兒者稀生月句衝冠詞潭水寒生月松風夜帶秋王句也想  
此印嘗鈴之湘江漁乃有茲研農子得亦奇徵士夫同詠

題靈爽憑手澤遺三薰沐再涕洟肅拜觀仰止思古名將  
文武齊非後世徒鼓鑿豹即死能留皮姓名滅良可悲此  
玉印君無私畀王裔世守宜延津劍合不離王有靈亦德  
而

懷王芭泉廣文即書其松陰課子圖

春風吹短夢昨夜到君前握手作何語舉頭原各天官如  
松耐冷兒與鶴隨肩此樂應知足江湖五十年

屠琴鴈傳太守遺畫觚菴圖爲其子修伯秉大使題

十六畫人如雨別法時帆祭酒十六畫人歌于與琴鴈在其列延秋無聲聽香

歌嘗與琴鴈爲時帆合作延秋館又爲吳蘭雪古藤陰下

泣吟魂雙藤書屋琴鴈京邸所居翰墨林也予與同人嘗爲圖之故紙山高飢鼠竊傳

家剩有觚菴圖觚菴孤苦工操觚徵題欲盡海內士片紙  
千秋君不死昔日甯知蔡克兒有兒如此真蘭芝世上紛  
紛不足數父書賣卻廬更主回首城東抱玉堂書聲聽是  
誰家郎抱玉堂周南卿所居戊子春過杭重  
晤琴鵬於此南卿既逝堂易主矣我更貧無長  
卿壁豚犬不知珍翰墨廣廈空畱紙上看予有畫梅樓  
圖樓實未有世  
人知否爲流傳東塗西抹垂垂老屈指知音淚似泉

修伯與其婦翁黃霽青太守談詩於湖州郡齋古榕

下作榕屋讀詩圖索題

大雅久不作清談亦可聽嶺南傳韻事池北

名郡齋

有詩星

相對眞冰玉千秋闢戶庭亡琴悲舊雨老樹自飄零

嶺南詩人

鄭肯坪有榕  
屋橫琴圖

景福泉

謙

方伯孤山雪霽圖爲少海題

巢居閣下路紆斜水霧山雲面面遮霜雪更番寒臘盡天心似欲鍊梅花

怪石當頭樹壓肩分明詩在古亭邊空林只道無行迹犯曉誰知野鶴先

障海樓同日觀尊何人擁被看朝暎冰霜歷盡愁回首君

話秦關我雁門

少海嘗宰海鹽築障海樓于海塘可觀日出君嘗游秦中

海鹽障海樓觀日出

島嶼忽分明乾坤一氣清魚龍扶日上波浪壓雲平滄海有時竭高樓無限情蓬壺如可卽羽翼自然生

醉

且將萬事付模糊杯外安知更有吾祇覺青蓮尙多事百篇空費醉工夫

讀唐人呂從義豐溪遺草

從義大梁人唐廣明中避地至歙遷旌德隱居豐溪

自題墓碑曰唐人豐溪漁叟之墓迄今九百餘年子孫蕃衍至數千家守墓不去有遺詩四十五篇全唐詩所未錄也

詩人老作魚蠻子物色無人到烟水桃源歲月桐江迹安樂不容南面易墓碣宜傳金石編子孫猶種墓前田滄浪絕響垂千年遺音應在溪聲間

汪少淇湖舫讀書圖

倦聽鶯歌懶賦詩杏花風裏畫桡遲醉餘閒倚雙紅袖不讀離騷讀柳枝



笙歌叢裏惜流光  
畫舫隨身翰墨場  
只怕狂來呼拍案  
一時驚散錦鴛鴦

自禾中至鶯脰湖宿平波臺下

臺有元貞子祠

不信鴛湖月相逢  
又此閒漁舟似村  
聚樹色若山環久  
有烟波志曾無詩  
酒閒夢魂鷗伴隱  
那復去鄉關

予書前詩于平波臺上次日有里人趙靜菴

筠唐子

珊壽勇

介寺僧德公投和章於予予昨夢中聞笛

聲起臺上乃卽二子和予詩時也因酬一章以誌

墨緣云

中夜笛聲起高臺  
有酒狂風吹人影  
淡月照鶴巢涼此  
地宜騷雅諸公自  
廟廊不成牛渚會  
且結墨緣長

題余秋室

集

學士贈王述菴

昶

司寇畫蘭遺卷應孫

伯貢

靈琳屬

論交湖海氣何豪人壽何如故紙牢聞道平泉今易主庭  
前并不見蓬蒿

吳江珠溪之陽

國初計甫草

東

孝廉之墓在焉夷

於樵收其族孫曦伯

光祈

弔之詩且爲封植徵予

和焉

挫折奇才豈天意風塵誰識英雄志文章光燄萬丈長死  
二百年名在世珠溪之陽土一抔天寒月黑風颼颼但見  
殘碑觸牴牾又聞古柏鳴鵲鷗嘗讀籌南五奇策照耀千  
秋心膽赤梅花零落督師墳天塹長江真可惜青蓮能識

郭令公君識宋收仲於微時以一生豈料窮途窮賸畱佳

話糟糠妾孝廉有一妾夫人吳擲榆之曰古有糟糠妾見陳廵陵婦人集獨弔詩

狂榛莽叢秦莽處勒碑誌之只今寒食梨花路馬齒猶

煩鬼神護三復文孫述祖詩風流未墜生餘慕感我離家

歲月長低徊春露復秋霜青山笑看劉伶鋪顧影蕭蕭髩

已蒼

題陸黃薌鎮鋤經圖

金先瑞草呼龍耕神仙不讀耒耜經藥苗蔬甲春烟碧老

圃功成費筋力何如經訓作落畚書田屹屹窮三餘千倉

萬箱此中獲不比羸牛耕白石一編在手鋤在肩奈何辛

苦無豐年披圖一笑疑君顛何如種酒淵明日拋書醉倒

黃花前

題楊辛甫

秉桂

明經綠曉尋詩圖

盛澤卜舜年孟頫  
葛應龍諸生有綠

曉齋集

綠曉村前拜黃土才人才鬼同千古莊前老柳枯還青柳  
下長眠人不醒尋烟而語求精靈靈氣網縕長不死黃鳥  
嚶嚶綠烟裏天外飛來詩在此

題馮春谷

壽椿

所藏百歲翁王南亭

世芳

爲其祖臬

使公所書扇後有羅兩峰畫老人扶杖象諸名士

觀題

題圖人已半天上況是圖中百歲翁此是君家五世笏回  
頭六十一年中

題張虞堂鐘茹冰紡雪圖

秋蟲四壁和機聲  
賢母能成令子名  
腸斷寒窗刀尺夜  
鄰雞催讀鼠窺檠

寄題計曦伯靜生廬

三徑碧于水  
幽居何處尋  
清吟傳竹籟  
妙緒剝蕉心  
瘦石人同古  
涼花秋正深  
幾時眠鶴畔  
容我一張琴

磨磚作鏡齋與六舟上人話別

一番相見一銜杯  
夢裏還尋般若臺  
瓢鏡能明知佛力  
鐒刀自鈍笑麤才  
空林鵲噪秋風起  
野水窗寒暮雨來  
再至愁君行腳去  
禪扉不爲酒人開

別杭州

片帆剛買斷愁霖收拾殘書與破琴猿臂虎頭方草芥鹿  
巾鶴氅且山林三年賺飲兩湖水一卷羞傳下里吟祇惜  
龍湫慳屐齒好詩畱取夢中尋

幾年飛夢翠微顛

擬卜居白門清涼山有翠微亭

爲戀湖山又一年倦鳥

只知歸去好積薪拚讓後來先心知友老逢難必手種花  
嬌別可憐借問鹿車何處住買山猶待賣文錢

### 抵里

長川依舊對衡茅急促柴門帶雨敲一笑官同僧退院半  
生家是燕分巢償還風月宜佳句典到琴書奈故交游釣  
關心鴻爪在祇餘鄰叟記垂髫

金山懷吳蘭雪刺史黔中蘭雪前年攜家人游此

昨歲黔南客浮家此地來春波遺豔影佳句拾瓊臺我老  
難重見音書得幾回江天一搔首斷雁不勝哀

題畫

夕陽秋水外落葉空山隈倚杖頻延望幽人來不來  
落葉滿寒流門前山色改新釀正離牀閒居讀山海

琴隱園詩集卷二十

武進 湯貽汾 雨生

琴隱集

壬辰

是秋僑居金陵

移疾赴金陵將卜居焉

此行我豈爲鱸魚老矣投戈萬願虛有子愚難承祖澤無  
田歸且荷花鋤辭榮尙竊無功祿世職以疾去官例食全俸半年攬勝初  
宜緩步車滿眼六朝山色好不知何處著吾廬

移居周保緒進士園林卽贈

病忘久矣歎衰年獨憶平園似散仙赤手能除豺虎暴白  
頭猶惹燕鶯憐林泉許我分清福詩酒從君了夙緣不比



道南輕結客長生偏自愧蘇玄

龍虎塘先塋修竣感賦

宦游四十年還家路不識先塋在北鄙每至藉行役築廬  
傍松楸歲久牆壁裂喬柯厄斤斧墓門塞蘿葛悲泣重低  
徊今歸非昔日去官聊自由丙舍居一月拮据手畚鍤氣  
象復蔥鬱大哉絲綸言煥然光綽楔衷忠並旌孝奕世  
綿簪紱君恩莫可酬祖德何能述顯揚負初願慚愧龍  
岡偈俸錢苟有遺祭田安可闕此事望子賢我貧老且拙  
縱免飢來驅長此守林樾餘年亦幾何痛心不堪說

題畫

柴門倚杖夕陽時此老胸中自有詩待覓隣翁與閒話釣

船何事故歸遲

老屋疏林畫杳冥  
白雲堆裏亂峯青  
推琴隱几百無事  
黃葉打頭眠不醒

癸巳

年五十六

予蓄蘭十餘盎去夏在杭得同心連枝並蒂三種之  
異幕中趙費二子爲之圖予未有題句今年五月  
白門寓居又得並頭一枝因命祿兒圖之作詩三  
章用紀四瑞

曉露浥紅亭  
春風梳綠髮  
幽香襲襟袂  
把卷欣搖袂  
李嶠  
吟河汾繁欽  
感鵲鴉  
何如羅綺庭  
仙侶同心結

結交徧寰宇  
骨肉悲凋零  
對此連枝秀  
風雨懷同衾  
莫言

蒲柳衰霜雪猶相侵榮悴任自然賴茲根本深

病妻憂米鹽無意謀優桂黃磁暮朝運愛護經寒歲今年  
詠並頭去年圖並蒂偕隱入空山芳名在人世

偕盛午洲

思木

光祿王鶴舟

玉璋

太守過隨園畱題

依舊朱樓聳碧雲曲廊殘碣萬花薰春秋佳日憑攜客風  
雨空山不見君鼎足才名誰繼武蛾眉弟子並脩文生前  
豈少談龍輩泉石經綸也絕羣

題德峯上人采芝圖

勸君不必打包行五嶽崎嶇況八瀛但把筠籃同鉢咒蓮  
花芝草一齊生

四野哀鴻不忍聞門前託鉢正紛紛山中早已無薇蕨采

得靈芝肯其分

抱琴曾踏鐵橋霜記得仙芝帶露嘗子遊羅浮嘗得靈芝於黃龍洞老去

恆飢君莫笑梅花和雪咬來香

張古餘觀察邀同孫尹圃源潮刺史錢益齋俊瞿秩

山曾輯兩觀察任階平泰庶常王竹嶼鳳生都轉

集嘉會堂古餘詩先成卽次其韻斯而未至者王

可石典明府也

幽篁櫺竈樹盤珊秋色空庭紫翠攢白髮漫隨疏葉落黃

花又共故人看休嫌客比香山少未許盟教洛社寒旗鼓

雷輸問梅叟青衫莫放酒痕乾吳門諸老有問梅詩社桂輪尚書嘗索和百會詩

古餘丈向與金陵諸寓公作七老會自唐陶山仲冕

方茶山體兩公逝後惟與隱圃可石益齋秩山為

五老之會予來金陵丈以詩相招又拉任階平太

史仍足七老之數任居講席例就賓位十月九日

集予寓園始以齒序作歌紀事索諸老和之

張公八十吟興豪十年領袖盟壇高刺史行年七十七行

步如飛腰項鐵七十有五可石翁前年滑跌方攜筇錢王

孫乃少一歲弟兄各列耆英會益齋兄潤齋中丞年八十居浙中與陳香谷景福泉

諸老作腸五老之中最少程七十三猶黑髭鬚十年長我

任太史兩人末座今朝始狄盧雖少容隨肩新詩同紀會

昌年維年癸巳十月九再展重陽傾菊酒一室咀含太古

春花前語笑舒天真世間何處無泉石老去徜徉能幾人

人生歎忽霜前草我輩回頭已非早莫使青山笑客忙酒  
杯而外雲烟掃看山劇憶兩山遙謂陶山短歌自把金樽  
敲且憑鄭與圖高會長倚秋風醉六朝

偶吟

金卮一笑博天遊白了虬髯不復侯久病人嗤鵬塌翼病

年二

偶吟自愧蟀鳴秋陶潛門令羅無雀王覽刀閒換少

牛聞道故人新洗甲片帆歌吹到蠙洲

得蘇礪溪軍門書知已准告歸

曩遊羅浮得萬年藤杖字之曰藤兄戲贈以歌

四百卅峯萬年藤千百尋丈此一莖萬年之前藤長成萬  
年之後吾攜行南遊五嶺北長城五嶽歷四華未登雖有  
駿足不肯乘期汝化作蒼龍騰上排闥闔下蓬瀛意所欲

適無不能世途何處非峻嶒一心戒懼徒兢兢僮僕離散  
妻孥憎去官惟汝不世情轉益親密日忘形偶然隔別常  
惺惺豈云汝外無良朋艱難仗汝勝友生十年風雨悲彭  
城手足相助無弟兄吾今於誼兄汝應萬年以長非諛稱  
整冠束帶再拜興贈以短歌聊證盟藤兄藤兄聞呼聲林  
邊石畔鏗然應白年永保身康甯子孫視汝同高曾

諸老集隱園宅疊珊字韻酬之

愛客憐才似網珊高歌痛飲破眉攢老愁知己晨星少人  
把吾曹古鶴看好鳥呼烟三徑僻寒驢歸醉亂山寒吟鬚  
不惜新來少只怕江郎禿穎乾

題胡友松詩稿

眉毫落盡髭鬚斷飯顆詩人太苦辛解道拈來都妙諦尙嫌叉手費精神

抹月批風五十年老來斗酒快青蓮早知詩是招窮具枉費巴東九萬箋

松崖上人索題保緒山水障子卽以爲壽

年不待暮疾則辭我蒲柳質胡歸遲周郎去官二十七先我卅年林下逸名成三絕海內聞去年白下方交君從君遂入遠公社精廬乃在倉山下登堂突兀驚奇峯畫筆誰知春水翁良田美地蔭桑竹雞犬生來有仙福挂冠慨我立錫無轉瞬還愁一笠孤

保緒割宅居予作雙笠圖訂交今將他游

途遙步蹇

難常過清夢時時畫中坐平生屐齒遍名山風雨高吟神



鬼和此圖彷彿羅與浮鐵橋跨鶴宜春遊松下何人長不  
死抱琴相對談瀛洲阿師今年花甲過此圖爲壽同千秋  
慚愧吾詩在上頭窮巖絕壑啜猿猴

汪均之自製竹笠易予藤杖

一笠飛去一笠來

保緒與予結兄弟交作雙笠圖今遠別矣

依然雙笠水雲隈

偶成佳話刀酬鏡便有新詩劍易杯斜日空山肩落葉清  
宵破壁擊驚雷與君託趣何人解軒冕心頭著死灰

秩山丈屬予繪青溪八逸圖以歌先之圖成題此卽  
以奉酬八逸者增竹嶼都轉八會也

一翁松下調素琴一翁奮筆題高岑一翁垂釣一翁酌雨  
翁對弈山花落花底長廊玉笛飛一翁顧曲蛾眉低石牀

八尺驚溪絹池上一翁方染翰八翁疑是六朝人卜居都  
在青溪濱履道坊連通德里羣峯簇翠干花紫春秋佳日  
杖交頭拍肩挹袂相吟謳絳雲爛漫丹臺暖桃熟芝肥玉  
觴滿清獻如聞鸞鶴賡神仙豈必蓬萊遠君不見四皓一  
別今千年九老風流亦九淵睢陽洛陽又誰在玉湖碧山  
皆可憐嘉靖間崑山黃彪有吳興峴山十五老圖殷丈張  
兄幾故紙多謝傳神吳道子骨青髓綠期諸翁我自不求  
長不死但願多眠長醉一愁無了此餘生在畫圖後五百  
年傳種德子孫猶或識今吾宋睢陽五老圖初藏畢文簡  
公家繼入朱氏種德堂兩姓  
皆圖中後裔而朱氏傳世久遠代有聞人藏  
圖五百年虞道園跋謂有德者必有後也

任階平太史寒夜寫經圖

柱壁衣裳字如織樹汁淋漓人莫識君家經苑古今奇聖  
海道源探自得浩若江海高邱山一經卒業首或頒巾箱  
獨括五十卷欲隸丁鴻奴井丹一日青藜輝秘閣侍女薰  
香聽金鑰蒲荒柳老舊書蟬難忘燃膏對眠鶴宗丞碩學  
虎觀英君曾明劉臺先生啟運  
乾隆時三禮館總裁傳家不用黃金籙練裙僊  
雪四十載老去依然貧彥升五知堂在歸難卜歲暮逢君  
蔣山麓年荒不飽束脩年月費黑丸三百六四壁縹緗發  
苾芬小任溫毅復能文進講行傳甘露詔獻書並上鴻都  
門賤子胸慚無點墨華年輕其毛錐擲父書竟易妻孥炊  
腸斷機窗寒月白先慈有寒  
窗課子圖白首孜孜亦可哀聖賢寂寞  
同蒿萊勸君且袖丹鉛手滿引花前暖講杯

謝古餘丈招飲卽次其韻

白戰誰容寸鐵擎  
消寒且喜玉卮盈  
圍爐快啜防風粥  
投轄上烹醒酒鯖  
雨雪催年添白髮  
江湖憂國剩丹誠  
萬錢一筋吾何忍  
菜色紛紛性命輕

時申五  
簋之約

琴隱園詩集卷二十終

琴隱園詩集卷二十

琴隱園詩集卷二十一

武進 湯貽汾 雨生

琴隱集

甲午 年五十七

益齋觀察生日卽席示同人

人日過旬日元宵隔兩宵名園招勝引晴日正生朝野鶴

來瀛海春風展素綃

擬作青溪入逸園以隱圃刺史游維揚竹嶼都轉客杭州而遲之今經營

方始

從今聯八逸歌詠

聖明朝

王香湖

青蓮

觀察歸冀甯金陵人餞諸莫愁湖有湖

樓話別圖漫題其後兼懷前觀察王幼海

藕花風裏綠楊陰舉酒同賡送遠吟世路誰非太行險君

恩獨似大江深晨星回首三關盡朔雪逢人兩髯侵難忘  
蓮華峯下客秋燈閒話白雲心

均之既和予藤易笠詩乃屬王鶴舟寫藤兄笠弟圖  
貽予遂題其後

笠也難爲弟藤兮忝作兄乾坤一俯仰宇宙此縱橫老識  
山林趣資餘綢繆情片縑佳話永珍重鶴猿盟

戲題均之所贈大笠子

神武門前不再經惠文消卻髻雙青蓋頭一把渾無分失  
喜隨身落小亭

九衢冠蓋日紛紛黃葉埋頭靜不聞驀地相思千萬里幾  
人仰面看青雲

二月十六日同人過集致園飲散有作卽次古餘丈

韻

春光九十半經過老大生涯寄歌客去簷禽忙倡和醉  
餘庭樹學婆婆嬾來縑素南山積病裏詩篇落葉多別有  
陰晴關我念比隣花事問如何

追歡勿訝髣髯更折柬欣逢社後晴幾日梅花愁欲盡兩

人竹葉不同傾

伊嗣遠游竹嶼不至

狂憑鼓掌消黃嬾健約尋春借

雪晴後會休遲婪尾宴平章宅似洛中行

竹嶼近於洛中移種牡丹有約

花時宴賞

可石集諸老飲花下次韻

少年如昨日轉瞬成衰翁一事尙年少劇飲能千鍾千鍾

使顏酡勝食蒲九節花前笑口開遣此春三月花開風雨  
妒及此時晴和一日一回醉不辭酒債多伊昔侯門深笙  
歌白雲遏花前解語花相對無差別於今花亦老白髮閒  
招邀杖邊羞蝶豔頭上憐鶯嬌鶯蝶何紛紛隨春來復去  
不如白髮翁長在看花處七翁五百歲歲同看花再看  
五百春樂死無吝嗟天地一蘧廬誰賓又誰主相遇卽陶  
然相思復相聚惟念鴛湖鯉不寄新詩篇別來三月久安  
否餐與眠夕陽各言歸佳句同嘖嘖幾日餞春來再看紗  
籠碧

石頭城公餞趙菊言

盛奎

司寇卽題石城送別圖寄

之



石城雨急潮砰湃童叟羅遮寇公拜崇觴載俎傾城狂新冠納言佩水蒼中臺賦政重德望不獨東南資保障東南煥滂連三年鄭公活人幾萬千琴鶴輕裝去天上班生此行人羨仙憶昨旌幢暗林谷覓句雲堂同魚粥君卿閭巷辱頻過三尺蒿萊映華轂名園忍絕張敷蹤蠟屐還因片刺紅歡緒無多頓秦越疏麻入手分雲龍雲龍會合何時再我是田間閒負耒願公霖雨遍蒼生免我饑寒色如茱皇陂高揖歧言休輕帆獵獵江悠悠明日來看送行處但見維舟岸旁樹岸旁樹歲月長卽今便是公甘棠棠陰多少攀轅淚和墨成圖盡寄將

白門重晤張仙槎

寶山人

七十張安世懸河三篋書  
千山銷蠟屐百卉擁精廬  
解我辭鄉劍尋君踏雪驢  
相攜何處好酒國是華胥

哭古餘丈

世間誰似張方平八十危坐視聽明  
松身鶴骨倥傯侶擲杖不見人天驚人天沈寥在何許耳中猶似譔諄語  
十年高會重耆英我最後來君樂與與君相識廬江船我偕海客君來觀  
乙亥予自嶺外押送暹羅貢使入都道出吉安君時典郡鼓棹來迎始獲相識君時異政邁劉竺白鹿隨車人共傳金門獻賦佳公子琴話精藍編紵始  
乙亥在都君次子子實訪予於保安寺街僧舍高名碩德動星文萬石非徒炫朱紫雲龍再合無非緣鄭公喬木空蒼然花間曾得幾回醉襟上酒痕殊未乾虞淵日入難重曉九十春歸人

其杳

卒於四月朔日

入門一慟簾櫳陳腸斷盟壇遺七老吁嗟乎

禿頂如壺始挂冠殘生所務觴咏歡龍頭失卻無顏色從此何心對泉石君不見東家高訾驕如苴西舍虹旌駟馬車回頭盡作北邙土我輩能無草同腐讓君泉路著鞭先收淚安排沽酒錢不學長生學長醉思君還當醉時眠

題畫

村居晝寂寥農事無些子坐愛綠楊風苔磯釣春水  
柴門亂葉飛相送語依依明日期君至尋詩向翠微

題張道陵像

有漢張輔漢畱侯八世孫方頤復廣顙七歲通天人幽棲  
北邙山白虎銜符文太傅更列侯三詔優君恩蠶叢一何

險遁跡辭蒲輪弟子長與昇空谷隨脩真龍虎護丹鼎妙術綜乾坤嵩山繡衣使秘錄中峯存讀之善分形鶴鳴逢老君雌雄授雙劍能召三萬神盡殲六魔王遂服八部尊殺鬼未免多昇天遲廿春朱衣降金闕星冠朝玉宸羣仙樂高會上帝憂下民勅還塵世上勸度苦海身永壽改元歲人日日午辰夫婦兩弟子白日乘青雲時年百廿三有道傳後昆至今覩遺像神鬼驚心魂

王竹嶼都轉白雲迴望圖

天闕極天高雲低風怒號回頭隔山色血淚入江濤少日稱騏驥歸來擁節旄豐碑好磨礧積善

聖恩褒

唐元宗嘗爲張

燕國書其父墓碑曰嗚呼積善之墓

又題松楸丙舍圖

君尊人對亭參議墓在牛首姚姬傳刑部誌墓梁山舟學士書丹

石堂天祚鬱鬱佳深松文梓牛山隈中郎誌墓幼安字其  
公得稱三絕碑素狸隤雀馴廬畔柴毀人驚王道彥從來  
忠孝出精誠魏闕瀧岡同一戀入官廿載還鄉稀白雲渺  
渺望見之不能展墓展圖畫萬古此圖傳孝思義車犇迅  
悲駒隙一日再中安可得傷心寸草背春暉祇悔生前遠  
親側少孤客早尤悲吾去官仍復違里閭墳前空置萬家  
地守視不如田舍夫羨君解組猶青髻擁簪松崦去來近  
三徵不肯就蒲輪風雨空山畱蔡順榮親所貴貽令名觀  
君治譜知生平

著有越中從政錄  
浙中水利備考

箴言藥石謝先友所志

一一皆躬行江城寒食逢君話傑閣明窗陪讀畫紛紛白

蝶四山飛怕見麒麟野狐拜吞聲掩卷悵斜曛有子如吾  
愧向君築闕旌門 恩未報豐碑愁煞臥荆榛

先塋蒙

恩諭葬

又題江聲帆影閣詩卷

千尋傑閣俯江郊滿紙松烟舞瘦蛟館水巢山天自許批  
風抹月世全拋胸中亦有千間厦老去渾無一把茅喜託  
羊裘容獵酒短筇時復到花梢

白鷺洲朱道士嶽雲畱飲

嶽雲善詩畫

花藥周遭太乙壇叩門誰識舊黃冠

子自謂

對君疑是六朝

客鍊句妙於九轉丹敢乞烏犍償畫債聊尋白鷺下漁竿  
秣陵自失陶宏景八素何人可借觀

馥郁仙醺其客傾不騎啞虎不吹笙狂歌痛飲眞吾輩破

硯焦琴了此生可笑朱崖悲玉象有誰碧海去長鯨因君  
更憶飢虛叟謂王樸昨到眞源剩石枰眞源宮道士崔之  
樸山善弈故後隱仙菴已就荒矣

柬集團主人慰病

藤兄亦有笠笠弟亦有藤一月不相過觸熱良可憎幽蘭

同君芳白蓮似君潔

時以二花見貽

感此美人貽相對如冰雪文

園養病地維摩示疾人我貧豈無病君病甯因貧我性幸

善忘忘病得無苦遺身而身存此語聞之古澄軒好風月

集團有

保澄軒消夏宜羣鷗碧筒已足吸甘瓜亦可浮故人江北

南行其躋新閣

周保緒在揚陳伯游在蘇皆將還金陵集團新營天放閣

且看三枝藤

二豎同來逐

桐城劉菊生

保泰

孝廉藏其婦翁李次卿

仲昭

侍御

遺琴曰真隱有記有贊憶二十年前侍御嘗攜此  
訪予羊城各弄數曲頃忽覩之於白門安園不勝  
人琴之感因作歌以貽之

憶昔羅浮抱琴出病臥越臺人跡絕忽聞客至白鶴峯入  
門示我千年桐爲言神物出良賈誰其藏者胡氏祖窮源  
乃自少保葉自明迄今屢易主大隱無名人莫知銘曰真  
隱真吾師

皆記中語

焚香煮茗一揮指移我心情悟元旨一時

贈答不用詩同把此琴酬唱之回頭忽忽二十載不意人  
亡琴尙在梅州至此路七千此琴不識來何年相逢知爾  
還相憶花下摩挲淚似泉淚似泉君莫訝游侶行看償米



債

子有琴銘曰錯道人游侶

十二桐君終屬誰眼中屏徑他人開

子蓄琴十

二顏所居曰十二古琴書屋本保緒宅今將易主

世間何物不可哀劉郎但願寶

此無離乖君不見中郎中散長不死身後猶能奏宮徵清風明月好林亭精魄千年不離此

官閣吟寒圖爲蔡小石太史題

七寶爐輝五色箋珊珊詩骨玉梅妍王恭鶴筆顏訐不  
到瀛洲已是仙

銀鬕翠管拜

君恩共看書雲彩筆新不信冰蠶成繡黻

至今葛帔在風塵

圖有族子用中詩卽與君濠梁官舍消寒作也

怪絕張漣老畫家

張少白贊府作圖

空山深谷當官衙可知世有

屏風肉笑側陶公白雪茶

鳳凰豈作紇千聲白戰猶能整酒兵四十年來鴻雪盡更

無人憶舊寒盟

嘉慶初元予守備鳳陽與朱樹堂李半頁諸君作消寒之會頗有唱和

乙未

年五十八

屈子祠僧修本索詩

一庭花雨一溪萍屈子祠堂晝窈冥賽社歸時人盡醉水

仙彈與白鷗聽

亭廊窈曲水空濛若箇幽棲似遠公我有吟魂招不得扁

舟轉眼落湘東

楚時將游

黃楚橋

學尼

藏其故人吳思堂畫乞題

金匱玉軸重連城無限山陽笛裏情覆瓿紛紛歎何物東

塗西抹念平生

論交湖海卅年多知己無如董與何遺草未編慙後死因  
君老淚獨滂沱

朱嶽雲道士麥浪舫昔年沒於水以舊圖乞詩

紫霄不逐金門步迢迢自種三花樹花間但讀龍嶠經世  
上爭傳石鼎句鍊乳煎香四十年松姿鶴骨地行仙壺廬  
破卻無棲處忽漫相逢沙鷺邊

三寸冠中兩童子日夕張筵具甘旨道人無復田與廬是  
非豈畏三彭訾何年地湧局腳牀揮塵依然踞我旁原來  
船壞胡孫在一笑休論滄與桑

故匡州參將錢公

邦彥

乾隆間以窮追海寇戰歿嗣

君蓉橋

鍾

參戎屬題其觀海圖遺照

同是羽林孤傷心海一隅滄波不可竭血淚到今枯家國  
無窮恨英靈在此圖匡山千尺浪猶似鼓聲鼉

予嘗爲蓉橋寫秋窗把卷圖越年餘寄圖索詩以病  
未報而蓉橋訃至揮淚題此卽以輓之

千林紅萬山紫落日溪堂亂鴉裏此圖我作曩贈君置君  
把卷松濤底四十年識君始白哲專城吾邑里君方躍馬  
我下帷豈復知君愛書史白門並轡還同醉席帽尋秋攝  
山寺詩意常懸眉宇間不吟恐被時人忌我去樓煩君洞  
庭塞鴻迢遞不勝情扁舟載鶴之江別一昔銜杯五嶺行  
前年握手蘇臺畔老病如同僧退院繫駒投轄情何長翦  
燭聯牀語無倦抱琴我返鐘山筇尺書吹到鯉魚風卻寄

前圖索題句沈疴半載拈毫慵簷前嘒嘒鴉鳴惡腸斷忽  
聞君化鶴把君圖卷淚橫流此是延陵舊心諾乾嘉同官  
更餘幾我亦靈光甯久峙父書能讀羨佳兒我愧遺經無  
後起此詩竟作蒿里歌九泉安得聞君哦嗚呼九泉安得  
聞君哦松窗颯颯秋聲多

贈嶽雲道士卽書其集

詩名已壓劉師服畫筆無慚范子珉此日江南幾同調一  
生硯北得閒身著書便是延年術愛客誰知避世人我欲  
師君農隱樂只愁長隔兩三塵

集名田居又有圖曰農隱子無田且欲遠行

移居紗帽巷

雞鳴埭下碧溪灣誰賸南朝屋數間到巷先逢當院樹入

門卻見隔城山病餘 帝許滄江臥老去天容詩酒閒不  
是安心遠塵市爲嫌清夢擾當關

幢幢車蓋蔭門前差勝瓜皮岸上牽少日嘗聞徐勉誠幽  
棲劇愛戴公偏誰賡栗里移居什獨誦淮南招隱篇只有  
周郎難作別道南情重聚三年

嘗僦居保緒  
進士春水園

抱琴忽向此中彈次第明窗筆硯安祀竈叨情鄰舍酒署  
門隨俗舊時官不多結屋貪栽竹便小疏池足下竿若問  
里名渾未稱隱囊閒愛葛巾寬

頻隨故燕補新泥阿段辛勤種樹齊鬪茗人消松牖寂眠  
琴花護石牀低羊求在昔皆詞客風月於今共病妻此是  
東籬舊吟社細尋應有未探驪

本王菊莊年丈冷香山館  
四圍籬落種菊最多與袁

簡齋蔣心餘諸先生倡和於此

玉聰往日識山扉四十年來景物非竹馬羣童驚白髮夕陽舊巷感烏衣樹雖如此春常在雲自無心暮獨歸愴我攜家還是客浣花豈有故人依

六十孤兒一斷蓬板輿回首泣花叢重泉弟妹寒遼鶴三徑壺觴痛雪鴻王孺人以通家之誼嘗邀太夫人暨妹楊淑人過此賞花弟峻欽亦屢過焉月不知新客迹次子桂林需次桂林女質從官豫章皆尚未告知歲時甯改舊鄉風白雲在望瀧岡遠清潁終難老醉翁

寄楸兒桂林

辛苦征蠻十萬師量沙減竈費支持衡陽雁斷春將盡一紙艱於露布馳

司農仰屋已多時取印提戈看小兒一笑衰翁貧徹骨十年難辦醉侯貲

題水繪園圖

匿峰千樹斷腸花羅綺當年爛似霞寂寞平泉荆棘裏路

人猶說竇家蛇巢民有印曰毒來慈受銘其旁曰曇藏師遇蟒長數丈毒氣熾然侍者請避之師曰

死可逃乎彼以毒來我以慈受毒無實理激發則起慈苟無緣究親一揆言訖蟒拖首徐行倏然不見此蓋先生家難後所作裔孫猶藏之東漢寶

武母產武並一蛇見搜神記

周月溪寶瑛西湖圖

鐘鼓朝連暮笙歌春復秋故人誰尚在貧宦我先休畫筆

逢黃鶴王蒙有湖山清曉圖吟壇賸白頭恍疑魂夢裏身到望湖樓

黃子湘與劉子琴讀書故牀逆侯張氏金陵舊宅結



兄弟交拜松林下子琴歿數年子湘思不能已乞

寫拜松圖并題

孝若安仁長接席垂髮高年號連璧丹雘白犬盟未寒白  
玉樓高去無迹故侯荒廬青溪濱千年喬木蒼然身白鶴  
重來作何語孤魂化作松間雲死生不變交能幾眼中止  
有黃生耳我慚老病結忘年圖汝兩人長不死董子帷前  
萎松菊風流又渺何平叔傷心龍尾賸殘生獨對鍾山閉  
扉哭鍾山朝紫暮還青翻雲覆雨無畱停寄語江湖舊相  
識及吾未死猶堪憶不然請讀拜松圖淚痕紙上空模糊  
寒郊有語聽不得交道淪亡松改色嗚呼交道淪亡松改  
色惟有此松萬古長凝碧

于湘讀書西湖之壑菴予已圖之又乞題句因訂同游

十三經字六十四萬七千九百有二十日讀一千八百字  
讀竟一年可卒業我今雖老未卽死此事猶能共吾子壑  
菴況有湖山樂儘可餘年乞猿鶴雪泥何必不重尋明日  
同登問山閣

唐孝女

三湘五嶺狼烟高昭州刺史征洞苗征衣遠寄憐霜雪秋  
閨顛顛成愁疾惠芳織素姊妹嬌嘗藥調羹不離鄰阿爺  
不得歸阿母病日非世無良醫仙佛左良子奇方當屬我  
呂仲洙女名良子平時咳唾惜瓊瑰今朝冰玉輕湯火阿  
判股療父見宋史

姊恐妹知雙垂羅袖行階遲阿妹防姊覺裂繒裹創開簾  
速鸚鵡廊邊一縷烟無人知是兒身肉兒身肉父母遺兒  
雖奉母非兒私母病但愈休憐兒沈衣浮履古來有一變  
那足酬恩慈但願從今母無病病付兒身延母命兒命甘  
心星紀除兩兒壽益母有餘皇天后土鑒此誠區區果然  
母愈兒投榻母勿擔憂兒意慙強起梳頭強笑言笑言足  
慰親心懸魚筒雀炙仍親手不忍敲眠暫離母如何二豎  
虐虐兒又虐親呻吟不輟連三旬姊病瘦無肉并刀在手  
妹奪頻妹獨割股姊莫瞋姊拚代母妹代姊晝夜泣叩蒼  
天恩姊聞呼妹前母病曩其禱我年益母尙嫌少但願兒  
亡母身保母身保兒竟亡肝腸寸斷不敢哭妹憶姊言恐

母傷兩孝女長沙唐父今觀察采風使家有孝女宜表揚  
妹名恩姊名惠惠以孝死尤堪異鳳凰臺下牛眠地豐碑  
綽楔黃金字行路何人不揮涕惜哉孝女非男兒事親如  
此君可知君家淵源本殊眾有女如此男可知我作孝女  
詩丈夫子者其勉之我身雖在親不養此身慙愧孝女嗤  
孝女死傳青史君無悲勝男子

雁山雙錫行爲六舟几谷兩上人作

震旦東南大海際村以花名山鳥名銀河倒落三萬尺詎  
羅不噴觀泉晴蒼蒼鑿鑿仙溪血散作天花滿山赤獅龍  
玉女盡回頭行亮神昭似相識十八精藍百二峯尋聲不  
見繙經童袈裟合付響巖虎鐘鼓獨躍寒坑龍高吟亦足

酬仙佛各有名山一枝筆北閣南屏處處題狂來攻破詩  
城鐵鐵城主者今爲誰若問白雲雲不知烟霞我負君  
恩賜石丈不曾聽我詩有峯名聽詩叟知君到此遙相憶誰酌仙  
醺主瑤席輕將雁宕易雞籠那得孤藤伴雙錫雙錫何時  
過我廬讀君游草游山圖探囊乞與蓬萊股使我荒庭變  
元圃

破宅示唐竹谷

爲飲蠲疴水來成踏雪鴻無詩傳雁宕有畫學雞籠徑雨  
蕉新碧庭霜果半紅檀橋餘破宅君肯過籬東

謝和甫贊府讀書小照

不習耒耜經必攻貨殖傳此外讀何書眼中殊未見誰識

哦松人十年破萬卷進忠退補過二者當熟爛愧予廢學  
久論語不憶半父書行復賣半世悲貧宦腹負甯辭嘲披  
圖發三歎

秦淮舟中

蜻蜓小舫一牀寬秋燕歸時翠袖寒漠漠疏楊寫烟雨畫  
簾低處見漁竿

月夜過何處士

老鶴寂無聲寒窗疎影橫梅同詩共瘦人與月俱清我愛  
幽棲處君多遯世情比隣相見易三徑已開成

沈禮田恆州迎養圖

堂高九仞車百乘祿不逮養孝子悲恆州花發板輿至至

樂不厭微官卑公卿上壽將吏拜白鳩巢樹芝生解使君  
孝治化一方縣名直欲更烏傷何處桑枝采靈藥傷心莫  
慰皐魚哭重茵列鼎亦云豪梁肉原來飽僮僕嗚呼我親  
棄養方賤貧回頭慘見蠻天雲爲君披圖淚漬巾平生愧  
負君親恩君爲衆母母教君如君亦足揚其親君不見甘  
泉有詔圖賢母畱取斯圖獻至尊

又蕭寺晨鐘圖

白衣寺長安市昔日聽鐘父攜子鐘前東帶問親安鐘後  
推窗讀書史十年再過郎君貴鐘聲催下思親淚木蘭重  
語舊閣黎白日正墮鐘樓西馬周回首新豐飲少壯何人  
無坎壈車蓋亭亭馬上雲三峯過去明如錦錦衣重憶練

裙寒畫取鴻泥後世看世間最苦華年暮去似鐘聲畱不住  
夢覺晨鐘二十年於今誰在聽鐘處穆修長物一張琴  
拂拭猶存塞上音鐘聲雖遠琴聲在難訴蘭陔孝子心

唐鏡海觀察岱麓耕雲圖

君墓田也

爆牛圓鳳鳴夷旁豐碑屹立遙相望三宮巍峩本仙闕邛  
奇滴淚成鹹鄉萬戶能容採樵避桑東天與封侯地原來  
束帶自耕耘出沒松顛與雲際一翁鶴髮衝白虹荷鋤  
予君應逢神仙傳漢武帝游泰山下見老父鋤於道間頭上生白光別後相思在何許  
雲山如畫藏心胸胸中取出置縑上縑上胸中雲蕩漾君  
今已作出山雲霖雨蒼生天下望望雲誰識孝子心夢魂  
飛落齊烟深把君羈旅思親句愧我辭官未歸去願上路



非歐九家瀧岡搔首隔天涯知君公輔歸休日  
矐雀馴狸伴歲華

方雲室讀書秋樹根圖

西風吹破檀橋宅黃葉打頭鴉陣黑幽人倚樹何蕭適手  
把一篇吟不釋人生識字憂患始嗜學胡同蠹魚蝕君家  
自有萬卷樓少小移書入肝膈非獵科名非著述上下縱  
橫世無敵鬚絲已似秋林稀猶復光陰分寸惜我慚眼孔  
車輪大鄴架曹倉曾不識折臂何嘗工運臂縱有殘書把  
無力扶童但解看秋山信口狂歌岸巾幘間隨縞鶴眠蒼  
苔起步空庭樹陰直臺城老屋隣君家習聽書聲短牆北  
君常屹屹吾悠悠材弃殊途松與櫟知己徒多薦賢絕歎

琴隱園詩集 卷二十一  
君老作諸侯客不若拋書把酒杯醉鄉差勝槐安國

金陵策蹇圖爲楊雪椒廉訪作

重來不是綠衣郎柳色長干舊夕陽驢背風情還似昨扁舟載鶴下三湘

初開竹閣對雞籠依舊青山愛謝公四十年來陳迹在老夫一笑磨驢同

琴隱園詩集卷二十一終

琴隱園詩集卷二十二

武進 湯貽汾 雨生

琴隱集

丙申 年五十九

初營琴隱園十八詠

開徑

董小何蕉吾二仲歸棲苦不早佳客今豈無何如故人好

種樹

一片南朝土春風十萬家棟梁孫子利且看四時花

乞竹 竹移自隨園

清風與之俱庭院忽無暑帶得倉山苔屐痕有今古

疏池

疏池弗嫌小只恐有時涸不出此山中明知無濁惡

補石

梅邊四五拳竹外三兩峯此是老夫晝烟霞出手中

治圃

老病廢逢迎長鑱使腰折咬得菜根香強於采薇蕨

護花

不盡惜花心無非畏春去爲語看花人此是畱春處

芟草

仲蔚息交游蓬蒿庭戶蔽獠奴懶過吾但道畱生意

支棚

種樹未成陰嘉蔭資藤蔓但愛碧雲深不知紅日遠

編籬

難免秋蛩吟儘容隣蝶入那得菊長開日日重陽接

泥窗

看花非隔霧四面紗籠屋閒中消受多淨几明窗福

設榻

此座不因人先生自攤飯塵尾落牀頭清風來竹院

藏書

相如空四壁忽爾專城豪生平無長物止此遺兒曹

讀畫

結屋傍青山本來圖畫裏何人日夕俱壁上烟蘿子

言集卷二十二  
挂劍

蕭齋無一事風雨不須鳴未識誰堪贈方今海內清

張琴

橫琴竹西牖四面雲山青興來時一弄白鶴下來聽

焚香

蘭芳偶消歇石鼎篆烟微紅袖殷勤意尋常惹客衣

題額

無名乃真隱况此隱者居輞川隨處好題罷欲成圖

新閣落成得詩二首

于焉堪寄傲何必問瀛洲尺幅詩中畫終身物外游當胸  
千嶂起拂袖片雲流此亦吾麟閣功名是醉侯

種樹剛成實疏池適得泉壺觴花影裏絲竹鶴巢邊衰髯  
遽如許幽棲能幾年板輿頻入夢腸斷暮江烟向在三江  
築江月亭

高數尋太夫人  
方康強無恙

予舊藏犀角凌雲閣印製作絕精不知何代物也閣  
旁有竹卽以名之

築閣雞籠下閣成尙無名摩挲得古印凌雲字分明我閣  
雖不高修竹干霄青閣名且相襲頓令庸耳驚平生志氣  
卑不羨高飛鵬數椽獲蝸寄江湖免飄萍倦羽豈重奮笑  
視浮雲輕惟有出塵想悠然通杳冥

古閣渺何許閣中人勿論人閣悉已異變幻眞浮雲閣中  
今所見未必輸古人千峯列屏嶂萬井羅星辰閣中今所

事與古亦等。倫琴書是良友。鶯燕爲嘉賓。第恐千載後。湮沒無新陳。所期來者賢。安在傳子孫。六朝盡墟隴。搔首悲斜曛。

陶霽堂殷少賓繆晴峯歲寒三友圖晴峯索題

三友兩吾友。殷陶題詩半里人。黃鱸同涕淚。白首騰風塵。荒徑誰重闢。清漳不可鄰。進賢吟獨苦。慎保歲寒身。

池上

瘦影忽生池。閒行半倦時。婢尋休翅蝶。童拾落巢鷗。花不憎人老。山常賺客詩。莫嫌稀舊雨。三徑本歸遲。

病葉先秋脫。天桃絕世姿。更憐池上柳。似我髭邊絲。花月閒尤愜。光陰老愈馳。昨宵清夢裏。猶賦冶春辭。



馬上

好山看不厭仙路渺難尋雙袖白雲溼一鞭黃葉深當秋  
發清興舉首成高吟借問追風足誰同攬轡心

喜雨

盡活新移竹平添半過池宵來三尺雨禱自百花祠豐歉  
誰相念桑麻我不知平生笑坡老官待買田辭

重九後六日徑溪招集同人劉焯齋都尉沈禮田太  
守續八耆會時古餘可石益齋竹嶼俱下世尹圃  
就養浙西

四皓不可作一翁還遠羈青山久寥寂黃菊又離披東老  
俗緣盡醉侯豪興奇重陽千百展筇屐莫嫌疲

寄懷傅臥雲

越王城闕千花穠晴霓渴飲江波紅劍光電激斗牛動扁  
舟忽見豐城翁問翁何人臥雲子欲踏鐵橋求不死前生  
定是白玉蟾一股蓬萊落囊底廿年不見乖崖面七十光  
陰去如箭令子工吟玉尺詩相逢自悔疏魚雁時平不用  
傳修期坐令英雄拊髀悲虔南澤國君鄉縣歎息豺狼滿  
路歧聞君已得長生訣活人不藉倉公術幾歲東南旱澇  
頻眼底傷心堆白骨酒腸空去貧無家姚合贈傅山人詩  
貧去酒腸空見全  
唐何處檀皮破壁斜噓空怪作五里霧唾手倏發三春花  
頑仙遊戲無聊耳縮地安能便來此江南舊雨尙紛紛一  
醉各畱千日止

秀水徐荔村

麟趾

字春書乾隆中布衣工詩廬雅雨

都轉爲刻其集葬揚州南郊久無知者揚人孟玉生訪得其墓蒼而表之又弔以詩用心良厚予乃

和之

徐孺有墓白社邊夏侯築亭名思賢種松立碣熙與景三子名同千載永綠楊城郭雷塘畔腐草荒榛野狐竄何人獨識杜羔墳君豈前生雙鶴幻當年莫勒醉吟碑此誼廬貞不及知計東獨表茂秦墓今日珠溪人祭之

計甫草孝廉葬吳江

珠溪夷於樵牧其族孫先斯弔以詩爲之封植予嘗和之甫草嘗於鄴中得謝茂秦葬處勒碑誌焉孟生古道足風世使我心折還吟詩詩魂有靈感知己不是詩人知汝幾君不見銅駝石馬連岡阜耕田金蠶與銅斗空山

香樹園言集 卷二十一  
樵牧自呼羣誰向白楊澆酒

寄題汪孟棠紅葉近淮村舍卽送起官入都

烏傷稱孝里。桃洞是仙居。碧澗鳴瑤佩。丹林映綵裾。承顏  
非列鼎。樂志在懸車。自與塵囂遠。優游太古初。  
一臥滄江晚。華年逝紫駟。蒼生望新澤。造物妬閒鷗。今日  
三山畔。欣同五馬遊。銜盃動離思。落葉滿城秋。

青溪耆會始自唐陶山方伯方茶山廉訪予入會時  
二公已仙去矣今同人作圖並摹二公像曰青溪  
十老使予題之

我昔官江南循吏推唐公公方擢刺史壤接面未逢逢君  
忽今日乃在圖畫中公來白下居我客雁門東追我倦游

返檀橋室已空繼與元方交想見公儀容牙籤三萬軸鄴

架猶盈充文章壽人口氣誼融人胸所嗟裙屐杳所喜志

趣同飛箋嘉會堂

古餘堂名予始入會處也

慚愧追前蹤

我昔自嶺表航琛過江州

乙亥秋予押伴暹羅貢使入都茶山守九江

始識茶

山老題詩在庾樓香爐暮烟紫草堂烟際浮

茶山草堂在香爐峯予遊

廬山

宿焉一別慳再逢屈指二十秋不知青溪畔何日營菟裘

白戰三十場至今壇坫畱我來雖已晚猶及交君傳君齒

次唐叟君次惟張侯張侯述君志鍾阜變糟邱爲歡無盡

日此願誰能酬

我來厠末座張侯年八十其次孫

尹黃石

又錢益瞿任秩山

齒相接先侔竹林數王子

竹

興乃繼入八逸我欲圖因循尙

未及但道良辰多豈知短景急笑顏開幾回四度同悲泣  
滾滾長江波蕭蕭半山葉深憂草木腐妄計耕桑業此圖  
周子行作兩山乃遙合圖時六客存今惟四皓集張黃錢王四君  
世下

四皓一遠別

尹

經年觴詠虛死者長已矣遠者音書疎三

人兩工病相見徒嗟吁

階平與予

屠蘇我先飲霜髮不滿梳齒

落難更生空負蕪與鱸及時尙可樂何物無榮枯東籬漉

新釀醉把霜華扶龍山有二老

劉焯齋沈禮田

欣然亦攜壺笑語

東園公既來容入圖德星聚千古此樂當何如

空山獨往歌爲階平作。

空山無人流水急白日墮樹蒼烟低野猿寒嘯風出谷古

鹿羣游花滿溪石頭路滑道心定手握赤龍爲杖藜

空山無人白雲滿一笠翻雲無近遠風烟萬古閒鶴巢蘿  
薜千重結熊館問君辛苦不齎糧兜鉢何時飽餐飯

空山無人荆棘多欲往從之無斧柯獨游得毋念儔侶玉  
堂金殿喧鳴珂江湖亦有幽棲客楓葉蘋花侵綠蓑

空山無人有猛虎絕壁千年不鐘鼓驅使無情大小空團  
茅獨戀長松古一醉期君山外山眼前桃李繁春圃

懷魏滋伯 謙升明經

我愛魏伯起才華世罕儔情多交獨寡吟苦病難休昨夜  
西湖夢春風畫舫游青山妬眉黛喜見舊盟鷗

懷王鶴舟

一棹笙歌遠。五湖烟水長。醉爲名士業。愁是美人鄉。賓客  
晨烏散。園亭秋草荒。至今離別處。深巷泣蛩螳。  
爲問吳宮柳。何如庾嶺梅。千金空一笑。五馬不重來。蘭蓀  
懼新雨。棠歌感舊雷。遲君鱗六六。頻夢越王臺。

寒夜戲柬張瘦山

堤

少府時有城北巡夜之役

凍坼玉蟾蜍。妨眠鐵馬羈。冰膠湯鼠衾。鐵截寒鬚深。巷  
霜沈。柝重帷。風卷爐。蕭條灞陵尉。猶有鷓鴣無。

林封翁賜谷

賓日

飼鶴圖遺照爲少穆中丞作

中丞今稷契雅化流。三吳再來權總制。三省宏遠謨卽眞。  
勞衆望去思盈一隅。惟公政多暇。夙好敦詩書。明發恆有  
懷。奉此先公圖。先公留手澤。妙筆顧陸徒。置身邱壑間。吟



伴。髯。松。孤。肅。肅。儼。若。生。腹。腴。貌。則。隴。幽。棲。絕。塵。蓋。二。鶴。翔。  
庭。除。六。鷗。豈。易。成。稻。粱。非。存。餘。矯。首。碧。雲。渺。飄。然。去。蓬。壺。  
燕。雀。愧。匿。跡。鸞。鳳。共。凌。虛。遂。使。九。臯。聲。至。今。滿。天。衢。念。此。  
翼。養。恩。悲。哉。歲。月。徂。仙。蹤。逝。華。表。忍。見。返。哺。烏。靈。臺。存。一。  
片。遺。像。傳。型。模。奕。葉。昌。名。德。寰。區。宗。碩。儒。猗。惟。我。公。業。進。  
益。贊。都。俞。青。史。溯。耆。宿。淵。源。安。可。誣。山。中。有。宰。枏。斯。道。本。  
高。符。

丁酉年六十

### 送訥道人之揚州

洛社凋零甚。君猶見盛時。無言成浩歎。橐筆又何之一醉。  
揚州月重尋。水部詩相逢。原有日。其柰髭邊絲。

林少穆

則徐

中丞後樂亭圖時新遷兩湖總督

後樂亭在幕府。公建之。歲甲午。闢榛莽。藝禾黍。黃雲村綠。  
野豳。流泉清。春日煦。布穀鳴。戒耕侶。知艱難。習勤苦。耒耜  
經。寓治譜。悲斯民。實椎魯。胼手足。困寒暑。輸公租。供仰俯。  
憂莫憂。蛟蜃怒。人民魚。室庭落。糴隣粟。請天庾。我公恩。俾  
安堵。憂莫憂。旱魃舞。舉膏腴。成斥鹵。賦調蠲。賑贍舉。我公  
恩。渥甘雨。憂莫憂。庶民寔。饑饉臻。鬻男女。招流亡。集商賈。  
我公恩。歌樂土。公蒞吳。十年許。活吾民。不勝數。往復來。民  
恃怙。疾痛呼。公育煦。遺公憂。剗肝肺。後樂亭。豈甯處。憂不  
遑。樂何所。民則樂。公乃去。公去吳。不我撫。嗟嬰兒。倏離乳。  
孰淚碑。孰棠樹。感去思。情萬縷。民無喧。聽公語。樂莫樂。力

農圃賣刀劍。易牛牯。禾再熟。人三鬴。叶鼓腹嬉。太平宇。敦  
淳風。慰明主。雖去茲樂。與汝民思公。公無補民頌。公  
弗取。雲在霄。欣其覩。官再遷。位公輔。樂莫樂。恩澤普。亭千  
秋。公萬古。

觀陳文恭公

宏謀

寄白秋齋將軍

雲上

手札書後

知己非難得。修名貴自成。清風瞻大樹。霖雨頌千城。廉蔭  
邦家慶。烝嘗介冑榮。本朝武臣入祀名宦自公始侏儒堪一笑。何地福  
蒼生。

附文恭札二

自平望而常州而江陰偵緝匪類整飭營伍實心實  
力著有治績遠近稱服昨蒞邦上聞有以爲過當

者細詢之皆從前習於疏懈善於應酬而不以地方營伍爲重者也惟宜秉公持正酌乎情理之平不涉氣矜之過久之自見許於上臺卽見信於商民也商民雜處腥羶之地有意矯激以爲鳴高則亦非所宜耳揚城嘗有指詐拐騙之風均惟閉意羽便一覆勉之愼之不一

年兄初到維揚以松陵所行之事行之人間之可驚可駭百姓陰受其福而不知久之未有不知者近聞之已相信相安矣此覆

讀孫白谷督師長平懷古詩蹟書後。

白骨無窮恨千秋此數行存靈神鬼護開卷兩風狂玉帶

經天地。公祠在代州南丹心擲虎狼廿年酬夙諾遺像在  
虛堂。余將兵雁門拜謁公祠讀公手稿公五世裔孫囑予  
題句未有以報摹得畫像尙存座右今公八世孫豐  
示此  
索題

題嚴秋槎廷中碧雲水榭卽次其韻。

浩蕩江湖一葉舟。看山祇爲六朝留。琴囊麈尾花間客。髣  
髴影衣香水上樓。萬卷營成風月窟。一身擔盡古今愁。幽栖  
豈有臨淵羨。袖手無心下直鉤。

嘉慶戊辰冬袁浦旅中嘗爲李桐階周眞吾汪樊桐  
三人作寒江醉月圖越三十年桐階自滌上寄圖  
索題時周汪已下世桐階以治河敘功爲別駕卽  
以寄懷

袁公古渡舟凍開雪深不見大禹臺樽空竈冷破扉闔几  
上突兀圖山來轉瞬鴻泥三十載墨痕不共霜髭改昔日  
江南三醉翁祇餘短李貧猶在齊烟楚雨空茫茫生計憐  
無河內桑眼中卿相半知己薦書不救困無糧振舵開帆  
破雲霧直入千峯萬峯去不愁腳底有風濤只要天邊識  
歸路我自蓬蒿踰祝雞層巖健翮肯卑栖思君怕見舉頭  
月何日相逢醉似泥

方雲室新閣落成同人集飲予顏之曰尋雲以壁間

有伊墨卿太守舊貽楹帖尋雲涉累榭句故也

我閣雞籠南君閣雞籠西尋雲與淩雲其聽雲中雞半生  
跡歧路風月辱塗泥一朝謝塵網骨肉登蓬萊憶昔與君

遇寧城采菊時入門見修竹尙無閣崔巍及觀淩雲句乃  
起見獵思故人有遺翰累榭其先幾回首江湖游幾倍青  
山資買山悔不早結社欣未遲六客杖交頭相尋白雲迷  
撥雲一相見有酒方盈卮衆山列屏嶂澄川渺湫池秋聲  
颯然至驚心歲月馳前生六朝客動有千古悲所悲人代  
謝風景長如斯且盡手中杯同吟席上詩招邀勿嫌數登  
覽休辭疲此會四時續此閣千秋開雲中雲不出試看尋  
雲誰

九月六日陳芝楣

鑒

中丞同齊梅麓

彥槐

太守陳蕉

雲

川伯

水部黃穀原

均

主簿包慎伯

世臣

大令顧

竹

蕙生

文學過集琴隱園次韻奉酬

敢竊林泉福哀憫且杜門豈知三徑僻重辱八駟尊寶氣

隨龍節

時攜宋元諸名賢書畫見示

芳蹤接兔園

是日同游蘭若其地皆六代帝王侯故居

憑高欣一醉極目落星墩

孟公賓客好聲價一時增癖畫過王宰工吟並駱丞名篇

爭白雪老眼歎昏燈多謝殷勤意還期倦翮騰

九日陶雲汀

詞

宮保芝楣中丞邀同梅麓太守穀原

主簿蕉雲水部慎伯大令竹碕文學登翠微亭飲

江光一綫閣

六十一重九

予年六十壬辰閏九月

東西南北經千秋幾高會今日

復斯亭江限天畱險山周地結靈清時好風景肯放酒杯

停



野老疎慵久元戎禮數寬  
載賡元圃句其脫龍山冠  
並世逢周召千秋重范韓  
最難敷政暇風月主騷壇

十二日宮保復招集博山園會者九人慎伯作記餘各有詩

不期佳節展復此醉黃花  
車笠并千里樓臺俯萬家  
詞源瀉江水筆采散城霞  
愧逐東南美臨風感髮華

是集余與穀原竹碕袁竹畦合作圖圖成因題時中丞竹碕還吳梅麓還陽羨穀原之淮蕉雲之粵

都在畫圖裏林亭萬古存  
筆同追北苑客不愧西園  
魚鳥天工化壺觴地主恩  
斜陽送江雁離思不堪論

王二波騎尉江樓讌集圖

六朝雲物愴全非。樓閣蒼茫對落暉。裙屐忽看今日盛，壺觴轉覺古人稀。吟懷浩浩波同闊，醉眼昏昏山欲飛。儒雅奚慚名父子，早傳好句繡弓衣。

回頭陳迹水天空，無限悲懷一卷中。吟侶已成新故客，蹤猶憶去來鴻。料無白髮饒廉頗，應有青山愛謝公。高閣閒憑苦相望，幾時飛醵過雞籠。

送嚴秋槎還滇南

一官輕去就，萬里亦艱難。握手江湖遠，思君風雪寒。碧雲荒酒壘，紅粉怨騷壇。後會惟憑夢，吾衰淚暗彈。碧雲水榭，秦淮寓居。

一夜石城潮，歸舟去已遙。客情南北雁，別恨短長條。歸共

閨中友。閒賸月底簫。新吟何日寄。豔福妬紅蕉。

秋槎齋名

### 紅樓。

繡綫初停倚。碧紗畫眉啼倦日。西斜小春時節。紅樓暖。忽見碧桃三兩花。

### 湯幼尊彝風雪從軍圖

萬馬奔雲過疾雷。眼中白草似龍堆。飛鳶墮處千山瘴。拔幟驚看天上來。

溼草朝騰萬竈烟。朔風吹破虎皮鞬。此行不負南陽願。熟讀陰符四十年。

歲月拚從盾鼻磨。毛錐豈愛蔡州驚。功成一笑拂衣去。詩思近來驢背多。

生涯辛苦歎矛頭射虎何如狎鷺鷗束髮從戎今老大愁  
城祇恨酒兵柔

題畫

此境不知何處臨溪萬樹梅花不是扁舟能到更誰知有  
人家

此處不知誰在小樓獨對泉清橋東橋西鶴跡花前花後  
吟聲

偕程見思侯貞友蔣山樓共飲禮田齋中

五翁四百卅六歲君實何人獨愧予精饌從容纖手出芳  
醪珍重細君儲其憐曹霸凌烟筆誰逐楊雄問字車且喜  
林栖同咫尺消寒相約莫教虛

莫愁酬倡圖爲顧湘舟沅作

西風吹斷蘼蕪綠。海燕無蹤野鳥逐。湖光猶映遠山青。不見當年鏡臺玉。玉人那得不工愁。金粉飄零十二樓。勸君莫唱莫愁曲。我爲莫愁愁白頭。

琴隱園詩集卷二十二終

琴隱詩集卷二十三

古